



SAKSPAPIR

Saksnr	Utval	Type	Dato
90/2017	Formannskap/plan- og økonomiutvalet	PS	27.11.2017
	Kommunestyret	PS	

Sakshandsamar	Arkiv	ArkivsakID
Truls Morten Kaland	FE - 205, FA - M50	17/1076

RENOVASJONGEBYR 2018

Vedlegg:

BIR Privat Budsjett 2018

Momentum Budsjettnotat - Vaksdal kommune 2018 (2017_09_21)

Renovasjonsgebyr Vaksdal kommune 2018

Rådmannen sitt framlegg til vedtak:

1. Vaksdal kommune vedtek at BIR Privat AS vert delegert fullmakt til fakturering og innkreving av renovasjonsgebyr på veggen av Vaksdal kommune, Jfr. §12 i «Forskrift om håndtering av avfall fra husholdning». Renovasjonsgebyret tilhører Vaksdal kommune.
2. Prisen på renovasjonstenesta for 2018 vert redusert med 1 %, med unnatak av eigenandelen for levering til gjenvinningsstasjonane og enkelte tenester utanfor standard renovasjon.
Desse vert uendra.
Kommunalt påslag vert sett til kr.0,- for 2018.

Vaksdal kommune vedtek renovasjonsgebyr i medhald av vedlagte prismatrise.
Jmf. vedlegg: Renovasjonsgebyr 2018 Vaksdal kommune (Pristabell 2018).

Formannskap/plan- og økonomiutvalet - Sak 90/2017

FPØ - Behandling:

I medhald av forvaltningslovens § 6 e) punkt 2 vedtok formannskapet samrøystes at Heidi Rongved er ugild i saka.

Samrøystes vedteke.

FPØ - Tilråding:

1. Vaksdal kommune vedtek at BIR Privat AS vert delegert fullmakt til fakturering og innkreving av renovasjonsgebyr på veggen av Vaksdal kommune, Jfr. §12 i «Forskrift om håndtering av avfall fra husholdning». Renovasjonsgebyret tilhører Vaksdal kommune.

2. Prisen på renovasjonstenesta for 2018 vert redusert med 1 %, med unnatak av eigenandelen for levering til gjenvinningsstasjonane og enkelte tenester utanfor standard renovasjon. Desse vert uendra. Kommunalt påslag vert sett til kr.0,- for 2018.

Vaksdal kommune vedtek renovasjonsgebyr i medhald av vedlagte prismatrise.
Jmf. vedlegg: Renovasjonsgebyr 2018 Vaksdal kommune (Pristabell 2018).

Saksopplysningar:

Gjennom Forureinsingsloven er kommunane pålagt eit ansvar for at innsamling av hushaldningsavfall frå private husstandar og hytter skjer på ein forsvarleg måte. Kommunane avgjer sjølv korleis dette skal skje. Vaksdal kommune delegerer på same måte som dei øvrige eigarkommunane denne oppgåva til BIR AS som igjen har delegert den til BIR Privat AS.

Alle eigarkommunane i BIR AS, handsama og vedtok ny «Forskrift om handtering av avfall frå hushald» i 2013. Vaksdal kommunestyre vedtok forskrifta KS-sak 32/13, den 30.09.2013. Ny forskrift tok til å gjelde frå 01.03.2014. Forskrifta er heimla i «Forureiningslova», §§ 30, 31, 33, 34, 37, 48, 49, 50, 79, 83, og 85.

Forskrifta sin § 12 omhandlar: «*Delegert mynde til å fatte einskildvedtak m.m.*»
«Mynde til å fatte einskildvedtak etter denne forskrifta er delegert frå kommunen til BIR med heimel i forureiningslova § 83 andre ledd. Kommunen si oppgåve med å krevje inn gebyret kan delegarast til BIR.»

Budsjettet i BIR Privat AS byggjer på sjølvkostprinsippet. Det rekneskapsmessige resultat for selskapet skal avsetjast mot eit sjølvkostfond. BIR Privat AS skal over ein femårsperiode styrast mot eit nullresultat.

Med bakgrunn i at BIR skal ha lik pris på likt tenestetilbod er det viktig at alle våre eigarkommunar vedtar like prisar.

Styret i BIR Privat AS har vedteke budsjett for 2018 og prisane på lovpålagte tenesteleveransar for 2018.

Forureinsingslova §34 fastsett at det er kommunen som skal fastsette renovasjonsgebyret. BIR Privat AS fastsett pris for tenesteleveransen. Styret har vedteke at prisane på fakturerbare gebyrtenester skal setjast ned med 1 % for 2018. For gjenvinningstasjonane og enkelte tenester utanfor standard renovasjon vert prisane uendra. Eventuelt kommunalt påslag/deponiavgift skal den enkelte kommune fastsette.

Bossnettpåslaget er frå 2018 ein del av gebyret og følgjer gebyrutviklinga generelt.

BIR Privat AS skal arbeide for eit best mogeleg tenestetilbod til konkurransedyktig pris. Eigarkommunane har sett krav om at selskapet skal ha ei forutsigbar prisutvikling. Dette meiner BIR Privat AS er oppfylt i inneverande budsjett.

I tillegg til gebyr for innsamling og handtering av avfallet, skal kommunen syta for inndekning av etterdrifts- og kapitalkostnader ved den nedlagte avfallsplassen i Geitabotn. For 2018 vert det kommunale påslaget kr 0,- . Påslaget skal haldast uendra i 3 år for å tømme fondet

på renovasjon.

Det vert elles vist til budsjettvedlegg «Kommunale gebyr- Budsjett 2018», jf. side 1 og avsnitt «Renovasjon - 2016-2021»

Av vedlegget «Renovasjonsgebyr 2018 Vaksdal kommune» (Pristabell 2018), går det fram kva dei enkelte teneste kostar.